

醒

睡

錄

書

醒睡錄卷八目錄

人事類

雀頂上頭吃喜酒

宮父凌遲處死

兄終弟及

一棒傾叔命

秀才被戕淫嫂報

殺命保命休填命

一錢不換幾填命

捋脚桿

家鬼跟隨野鬼走

輓坑子

牛皮掌嘴帖工錢

蒸母暴裂自亡

母與子通

半足墜妻胎

詞曹託鉢挾姬遊

生才憐才遂因才

寸地相爭遂破家

剝皮亭

生雞引得熟雞飛

硬家丁

心傷母首如瓜落

手捻仇頭向獄行

中流扶母柩

入水覓父骸

潔身就義正邱首

携手辭親赴水濱

閨秀陳情代父死

嬌娥自盡爲親亡

江南烈妓

湖北貞娥

朱九妹

李四郎

手承便溺扶翁疾

口吮脂膏潤母臟

親夫兩手捉雙腦

母子四屍共一棺

蠹猾吞賑餉

蝗蟲吃渭規

鷸蚌相持漁父利

狼狽爲奸子孫殃

有奇福卽有奇禍

以倖始者以倖終

賣箱漢

鬻菜翁

獨子祧二姓

打虎娶親兄弟

求天洩憤

見利忘義招烈禍

九旬生一兒

梃狗須大戶家

拜日伸冤

辭多受少發奇財

醒睡錄初集卷八

楚梅鄧文濱南陽布衣渭卿纂輯

人事類

雀頂上頭喫喜酒

道光十年蘄州某赴試黃郡遊赤壁遇武漢人衣極都麗相與接談如舊相識翌日至某寓私語曰我乃學院鬻案胥也秀才捷徑祇費三百金某欣然許約某日至安國寺竹嘯軒中會姑舅二老爺講話如期某往候果二人自舟中乘四轎來案胥曰請相公拜老師行禮二人答揖曰師生如父子不必拘儀文但作三篇足色文耳卽三百金隱語也仍乘轎歸舟及學院臨黃案胥約進場前二日秤銀加封榜出便兌商于予予曰此輩騙掉包局也勿爲所愚遂諱之旋商其蒙師向李二人均言與予同吳猶豫未決向曰如不信卽就其計擒之可獲重利某從之

雇健僕數人向素善拳勇亦與焉及夜分案胥姑舅二老爺偕至入門以手拍某頭曰恭喜恭喜頂子上頭矣明日定吃喜酒向在帳中躍出曰好銀好銀見財有分矣今日已辦便酒三人見事不諧急趨出而門已反錮卽滅燈衝瓦逸健僕從牀下突出曳足墮地塊然有聲縛之剝其衣皆美錦重裘兩肩下左右貼膚處有雙鬚鍊鈎三層挂銀包六件已戳封署共計銀三百兩卽豫備秤銀時掉包物也拆視之中皆鉛鍊兼有書云君等讀書求名宜守分安命豈有秀才可買之理我輩生涯貿易因折本無資姑爲把勢想方之局但有福相公善退財災生禍免毋忠厚君子幹拙事命隨錢亡倘後日逢君相償定權子母若前生該還我債免變猪牛大丈夫有志竟成及時學書學劍苦心人鬱極必發指日奪魁奪元敬布芻蕘望開茅塞等語時嚴霜夜半三人裸衣伏地肉皆赤矣哀求賞衣釋放衆佯言俟天明送提調官審訊詢其姓名執

業供問曰拿喜酒來健僕攜溺壺進某笑曰請姑舅二老爺不腆醪醕爲老師壽僕握麝簪口灌之鼻皆出血案胥知不免張口就飲吳笑曰先生量大請再斟一壺乃吐實案胥係省城撫街口鬻筆人姑舅二老爺一則開設澡塘一則嘗爲承差卽學使前手執烏蛇鞭頭戴老鴉翎而高冠岌岌者也同夥三十餘人以船爲寓得彩卽遁防人燭破其奸也八屬入其圈套者以十數麻羅岡水尤多行之數屆無有犯之者雞鳴時黨與見未歸船來偵探接應門外棒棍憂然有聲計圖奪出聞室內人聲喧譁不敢逞至黎明始散三人猶叩頭乞饒遂釋之使人尾其後果由漢川門出所剝衣服約值二百餘金向李各分鶴氅狐白裘焉越翌日夜仍納書於門隙內皆恐嚇語欲其擲還原衣否則刦命行刺卒無影響

牛皮掌嘴帖工錢

某車傭素零丁年逾三十積值娶婦囊金而來營販遂豐於財目不識
丁納貲捐貢子一鈍於學望其成名若渴時鮑覺生閣學視學楚北其
幕友在外招搖許五百金場中授文稿取進約先期在蘄水縣興賢莊
內看銀封固書立券據後半郡榜出時交兌及期二比人皆至是莊素
有文昌神像正封銀時門外鑼驟至輿馬騶從十餘人傳呼入云縣
太爺來此行香騶逐聞人叱咤聲甚厲某措手不及倉皇裹銀憩廊簷
下覆以衣官行香畢顧謂騶從曰這一行人聾頭鼠耳形跡可疑幹的
甚事着搜驗之皆股栗果得銀包券據官設座拷問各披頰數十遂吐
實官怒曰私售名器舞弊過贓大干法律繳其銀包券據即將幕友鎖
去按例究辦某貢生父子交莊僧看守候移文該縣查核某貢生漸懼
賂僧質子私歸復取百金贖之竟無事後始悟其入掣騙者之圈套也
諺云鐘馗嫁女檯轎皆鬼卽此類也貢生是強項伎倆耻人目其金盡

歲終猶勉置數百金產焉

宮父凌遲處死

某生數子妻故置一妾其子惡之嫉其將來生子而分析家產也一夕飲父酒乘其醉而宮之父眩暈幾絕後得調治處幽室中旋蘇父溺愛情深知子罪在不赦遂匿之妾缺望首之官官繫於獄判曰以子宮父父雖未死而其造意狠毒卽置父於死地而不恤凡誤傷父命情節有可憫惜者尙置重典所以嚴弑逆之大防也似此大逆無道宜與故殺其親者同一究治遂擬凌遲處死以爲梟獍者鑑

蒸母暴裂自亡

某宦門子弟日習淫亂族戚子女過其廬者輒恩染指年近五十喪妻以少年託名娶人幼女女甚婉孌少前妻子數歲及某年適不遂女欲前妻第二子亦諸生貌極清揚遂蒸焉諸生性英敏臍房荐爲一邑

所推後旦晚目中恍有所見聞雷畏避恐遭天誅因自道其有衛公子
頑行以求懺悔旋得暴疾腹裂而死于亦天其父有衛宣公行諸生所
爲亦其父教之也至今盜娼其後皆與焉

兄終弟及

鄉村愚民不知禮義法律往往有童養婦在家無論已未婚配有無男
女而兄終弟及或弟死兄繼者取其家務熟悉人口和睦並能省一切
婚媒費也嘗見某氏子兄故納嫂爲妻族人不得酒食及生一男將及
歲舉族譁然揚言出其嫂而埋其弟納者知事不諧置嬰兒於死以塞
口再延宗族之劣衿及諸無賴者燕飲勸令女家父母另立庚書以寢
其事又有某氏子其弟已婚配有年忽被賊擄未歸其兄鰥居私納弟
妻爲妻女母家無賴及劣衿數人造門省問陽言爲女擇配陰實圖射
利分肥往返數次納者托媒勸釋賄金若干諸無賴瓜分另立庚書大

嚟醉而歸後姻婭往來稱呼移易恬不爲怪此傷天害理事大干法紀
按律例弟納兄妻者斬兄納弟妻者絞戶族尊長及隣右知情不舉者
以黨惡論所以正倫常端風化也在愚民誤於不知好恬靜者知而不
言或事已成以爲多一事不如省一事甚非訓俗型方之道也宜平日
曉以禮義諭以法律杜其漸而防其微斯得耳周禮率民讀邦法並
聖諭講法律以警愚頑意深遠矣

母與子通

某少年鰥居欲娶妻家有老母欲再醮俱未果朝夕相聚釀爲鴛奔之
章然宣姜與頑尙非所出茲更黑天也然遭雷顯未隕命遂相語曰吾
母子行爲天所不容既爲莫諱不如作禽獸狀自處於禽獸天必以禽
獸恕之自後苟合至猪牛欄中無慮也逾年產一胎男女各一男人面
牛身女人面猪身子母畏懼溺斃置空室中乘夜棄之復蘇啼哭不與

人異行走與猪牛同觀者如堵閱三日自斃天欲播其惡也

棒傾叔命

道光初年某叔姪分爨同居家小康二小兒相鬥嬖母答姪小兒且罵之姪婦不遜遂口角焉姪婦素悍惡屈於尊不敢與鬥其夫自外歸愬之曰打狗尙欺主况渠兒打我兒其父又繼之何欺人太甚其夫方食曰耳不聽肚不煩彼罷我亦罷如欲理論飯後不遲婦奪其夫食曰賤子太無用無閒飯食爾激夫去婦授以棒其叔出護兒一棒而叔斃矣夫亦斃獄中家敗人亡婦一言也諺云家有賢妻夫不遭橫事洵然

半足墮妻胎

陳某嫗素悍潑且多言日夕嘵嘵無一刻休尤虐子婦常誣以偷竊飲食其子知母多言置勿論一日子自外歸督令責婦子有難色嫗懷之曰爾順妻逆母今日偷嘴爾不管異日偷人叫誰管乎兒怒向婦一足

直中丹田迴婦孕彌月子母二命俱亡婦母家欲首隣族挽和傾貲超度家遂灰嗣亦絕

秀才被戕淫嫂報

某諸生與兄分居有年兄歿忽然聚處人嘉其如包孝肅之事孀嫂如母便於敬奉也孰知青燈好對嫂嫂黃泉難對哥哥竹影斧聲不無疑案咸豐七年粵逆踞梅擄諸生爲僞簿書官間或歸家携衣毆甘旨爲嫂承歡三月十六官兵破岡家嶺賊營七座馬步二隊一舉斃賊七千餘諸生與焉土人掩其屍心腹腎腸已爲遊勇剖食矣其亦有果報耶當事者猶附其名於昭忠祠內愧矣

詞曹託鉢挾姬遊

某編修倖入詞曹舉業甚疎官階亦鈍居都門時名士自詡沉溺聲色姬妾盈門薪水不繼托鉢宦遊離姬載道揮金如土尤炫清班名色招

搖撞騙時而督勇勸捐時而夤緣干謁致聲名狼藉物議紛騰彈章屢挂到處難容猶復誣造蜚語慷慨沽名真無忌憚之小人也

殺命保命休填命

嘉慶中葉廣濟朱左兒右兒兄弟豐於財頗慳吝鄉黨無賴咸生覬覦屢肆偷竊輒被擒撻而送之官受創甚糾衆無賴搶奪其家以復仇朱偵知其事豫防之居屋牆高嚴塞戶牖僅留門一扉半闔後抵以石側身方可出入半夜無賴明火持刀闖入朱伺扉陰利刃刺其胸腹抽身退立斃一無賴繼之又斃如是者三衆無賴寒心厥明始散以殺命保命自首驗屬實符格殺勿論例免究

生才憐才遂因才

某殿撰詩人也最憐才夫人姬妾皆能詩督楚時幕中招致名流不下百十人日共謳吟兼與其愛姬相唱和一詩人英年爲門下士唱和中

饒有情致情動於中故形於聲聲應者氣自求不禁相攜去喉令箭追之欲置重典一幕友曰公憐才美人亦憐才才與才偶公憐之實公教之也納之不雅離之可惜不若體造物生才之心副我公憐才之意各如其意以予之使無一夫之不獲一燮理陰陽之道也若何遂不問

一錢不換幾填命

停前鎮姚某買周某魚內用一毛錢應換不換相持不下始相爭繼相詈終相鬥姚一足踢周小腹周墮地姚見事不諧棄魚與錢而逸市人執赴官予四十杖罰十五金延醫調治日夜服藥爲周滌便承溺姚妻聞信懼夫填命且灰家投繯幾死幸周某醫早得生不然姚某一命不值半文錢也

寸地相爭遂破家

安陸某孝廉造房屋與同祖叔爭一墻基尺寸地相持不下致犯上不

遜戚族調處一讓地一服禮叔未爲不可而姪項強遂與訟邑令飭孝廉不應以家常細故目無尊長致于重咎婉語勸其忍讓禮下以敦和睦孝廉愈無忌憚令怒據實詳究控至司院返遭襪革破家貲以萬計屋亦爲他人有

捋脚桿

某進士性穎悟文極清剛刮削過甚貌亦如之身頽而長下體尤脩相者評其終身云始如田間青鷺中如雲中白鶴晚如澤畔烏鷄福澤亦然降生時有某寺僧至其家方索茶延待須臾不見俄聞兒啼卽此公生也幼赤貧寄食樗蒲家卽近日賭局也酷暑夜曲促蹲几下兩手輪流捋人脚桿代撲蚊也可人意卽擲錢地下拾以度日亦諺云打地雪之流亞也少長鬻松毛於茶室寢其突而食其薪主人厭之去傭某豪族爲塾中役箕帚聞人讀詩文過耳成誦兼領意旨爲塾生代倩動中

竅會塾師奇之言於豪使釋役授以業給膏火而成就之數年遊庠序有聲得高榜旋捷南宮宰吳越財賦藪也習於奢侈一頓飯抵中人一歲之產備極精緻稍不可口持饌具沸湯喚庖人跪淋其首一外掛值五百金餘可例推歲進數萬不足供其揮霍子三長次英俊早亡季溺聲色揮金如土致官項歉缺遂褫職籍產入官依然舊家風焉至暮年爨火久虛手撮糠粃以供口腹可謂無聊之極矣然其得志時乘肩輿過表叔某公於衢觀面如不相識某翁曳下輿指擊其額曰爾不記寒時向吾候面皮也記熱時爲人捋脚桿乎且慚且謝業師某翁卽前時釋役而給膏火者也自通籍以至筮仕無一寒暄語相及况饋遺乎抄家後困頓如前師已歿將稱貸於世兄先書師墓誌一紙兼致書以鳴其近况越數日而肩輿臨門矣某世兄拒於門曰我家無此世誼也若果有之先君在日何不見若一行書耶不及答擲前書於外闕然有聲